

مدیری : ابن السری
احمد جودت

مؤسسی : السری
مصطفی نامق

آشیان

أدبی ، علمی ، سیاسی ، اجتماعی ، فنی ، اخلاقی ، فتنه لقی مجموعہ در
پنجشنبہ

ایکتنجی جلد

نومرو ۱۵

برنجی سنہ

۲ ذی الحجہ ۱۳۳۶

۱۷ کانون اول ۱۳۲۴

مندرجات

ایک انکار خیال خلیل نہاد	دنبر نہان پیکر عبد الحق حامد
الہام فریق م . حامی	نئی بی - سود فائق عالی
حفظ صحت اجتماعی سعد الدین وود	مودت ایلہ محبت قارده شد لر علی - سعد
مصابحہ ادبیہ محمد نور الدین	خندہ محی الدین
	آلنور آفس یسار فردرا

استانبول

محل ادارہ سی : جفل اوغندہ ادیرہ مخصوصہ

طبعہ : احمد احیان

۱۳۲۴



حفظ صحت اجتماعی

شو صوك زمانلرده فیزیولوژیستلر اوپله درین ، او درجه ده کزین شیلر دوشونویورلر که انسان، بو مساعی بی، بو مبجل و عالی مساعی انسانیت پرورانه بی حرمتله تقدیره مجبور اولویور . بونلر ، بو بویوک انسانلر ، بو حقایق کویان بشر ، سینئه جریحه دار جمعیق قانادان مفسد اخلاقیه نك ، بو سرطان اجتماعینك منشأ اصلین ، سبب تشریح مرضیسنی آریور ، بر تدقیق موشکافانه ایله آریوب بولویورلر . روح بشری کیره ، کیره رك اولدورن بو دودقاصی اتلاف ایده بیله جك داروی شفاسازك ده تحریرسنه قالقیشیورلر و بولویورلر . بو عصر پراحتشام و داراتك خوراق خردفرسای ترقیاتیه ، بو اعتلای حیرت افزای مدنیاتیه . . . مدنیات حقیقه دن بکله نن غایه امله غیر متوازن بر صورتده حکمران اولمقده اولان ذمأم اخلاقیه بی روح بشردن فصل رفع و استیصال اتملی ؟ . . . ایشته بو اجتماعینون کبی فیزیولوژیونی ، او متبحرین طبای درین درین دوشوندوریور . بو حقیقی انسانلر ، مستقبل مشوم جمعیق درپیش تأمل ایده رك بوسیلا به خونین سیثاتی مجرای طوفانماننده دوردوره جق چاره لری آریوب بولمق اوزره وادی وسیع اجتهاده آیلویورلر . . . بونی کندیبلرینه فریضه ذمت بیله رك آیلویورلر و نهایت بو اساتذۀ عرفال بونك : «حفظ صحت بدنك لایقیله بشریته تطبیق ایده له مه مسندن» اولدیغنی بولویورلر . وقتیه یدشا : «انسان، حیات حیوانیسی نقطه نظرندن بویوکدر، سرفرازدرد» دیوردی . وهله بوسوزك غوامضی، بونده مندرج معنای علوی حکیمانه بی استکنه بك کوچدر ! زیرا انسانك حیوانیتیه دکل ، معنویاتیه بویوک اولدوغنه هرکس قانعدر . حال بوکه او داهی اعظم، شو جمله سیله بوفکری زیروزبر ایتش اولویور . آنی الدرج حقیقتلره ایجه دقت ایدنلر آکلارلرکه ظاهرأ انسانی بویوک کوسترن

قوای معنویه، قوای مادییه تابع و عادتاً اونك اسیریدر.

مادیتك عدم تكلی، معنویتي كاملاً سلب ایدیویریور، عادتاً عقم بر اقبور.
بر کره دقت ایدلسون: صاغلام ذکالرك اکثریا صاغلام وجودیلیرده اولدینی
کورلمیزی؟ مادیات سز معنویات ظلمتدر، برلیل ظلمت انکیزدر. بسله نمین بر دماغ،
قورو بر آچدر. بویله بر دماغدن احتساسات بدیمه بکله مك قورو بر آچادن
هیوه امید ایتمکه بکزر. حاصلی دماغ، که فطره حائر نصاب احتساساتدر...
ای تندیه ایدیلیرسه تجلیات فوق العاده تحسسانه دولد اوله بیلیر، بو غیر قابل انکار
بر قضیه ناسته در.

پیشا - نك فکری، بو نکته... بو دقایقه پرور نکته بو کون تمامیه
آکلاشیلیمغه باشلادی. روحی اعلا ایتك و اوکا بر تربیه اساسیه ویرم بیلیمک
ایچین مادیته بر کرمی نما ویرمک، بدنی اییجه تغذیه ایتك لازمدر. ساحه
فیضبار بدنی نخوم غدا ایله دولدور ملی بزرکه بر مدت صوکرار رنگین، بر آب و تاب،
املپبرا شکوفلر،... مادیته و معنویت چیچکلری انکشاف ایتسون!...
سیاله غدائیة دمویه دکلیدرکه مقراحتساسات اولان حیرات عصییه ی اروا
ایله اولرك تشکلات نسجیه لرینی تشکیل و احیا و بوصور تله ده قوه حیاتیه لرینی
تزیید ایلر. اوسیل خروشان دمویك منبع ابتدائینی اغذیه ده آراق لازم
کلمی؟

فیزیولوژی و حفظ صحت فنلرینك، بوايکی مشعله فیضا فیض انوارك محراق
تأبدارندن التماع ایدن شعشعه معرفت بو کون ادبیات و فلسفیات حاضرده یکی
بر صحنه نورانوردایع کوستریور، بر رهنمای هدایه نما اولوبور. ادبیات و فلسفیات
سایه سنده بشریت اخلاقاً و روحاً بدیمه تجملاته، غایه تکملاته، او ذروه
بالترین مسعده پرکشای اعتلا اوله جق! بوايکی مسالك مبجل و عالیده
فیزیولوژینك، باشقه بر طرزده، بر طرز مکملده تأثیر حکم و نفوذی اولدوغی
مدقق بر نظر ایچین دائماً بدیداردر... آشکاردر.

متحیران طبایی و داهاسار انسانیت پروران فنی مستغرق انوار سرور ایده جک

برشی وارسه اوده اوته دن بری دور و دراز موقع بحث و مطالبه به قویدلری
مسانی مبرورانه لرینک ، اوتعب آور دماغ اولان غیرت لرینک نتایج مستحصه
اولان : « نظافت و طهارته تلقینات فیه دأر مسنده دقت ایتک ، اکل و شربده
طریق اعتدالدن آیرلماقی ، پرهیزکار اولماقی ، ریاضات عضلیه ده قطعاً تکامل
کوسترمه ، ک خلاصه تربیه جسمانیه به بحق چالیشمق بیهوده برسی دکادر »
وصایاسنک کوش دفته آلدیغنی کورمک در .

انسانیتک بر غایه حسنه ، بر بدیهه کماله ، بر آهنگ دلفریب سعاده خلاصه
حیات پاکیزه و وصولی معقول و فنی بر صورتده بدنی تمیه ایتمکله برابر حواسده
اصولی وجه ایله تعلیم و تربیه ویرمکله ممکندر . زیرا بوطرز تربیه ده کوسترله جک
عزم و شدت هم قوای عضلاتی آرتیره رق بدنه چالاکئی نام ویزیر ، همده دماغ
و نخاعده کی مراکز عصیه نک تنم و تکملنی انتاج ایله وظائف عضلیه و حسیه دهده
رواق وجودت حاصل آیلر .

دیمک که قوانین حفظ صحت رعایت سیایه منده من کل الوجوه صحت آرتار .
بوده قوه حیاتیه نک تزیادینی ، قوه حیاتیه نک مکملیتی ده عضویتک امراض و آفاته
مقاومتی و بلکه ده اوندن موافقتی داعی اولور .

صحت ، روح نوشین سعادتدر . صحتک محافظه و ادامه سی مراکز عصیه نک
فعالیت مکمله اوزره آهنگساز اولمسه متوقفدر .

صحت ، ارتقا انتفال ایدن بر ثروت عظیمه به بکزرکه و ، فن و حکمت ایله
تزیاد ، جهل و ظلمت ایله تنافض ایدر .

برده عضوتمزده حاصل ایتدیرد جگنر حالات بنیویه به کوره احفادمن ای
ویا کوتو بر صحت صاحبی اولور .

تقدی به اهمیت ویرکز ، بوخصوصه ، انتخاب ایدیله جک اطعمه نک کیمه ،
کیفیه خواص غذاییه لرینی بزه ارباب فن کوستریور . تکامل ایله عرق تحولاته
اوغرادنجه اومتبحرین حکما ده ترکیب غذائه ایفایی لازم کن تعدیلاتی پیدرپی
مطالعه ایدر لر .

غذايک تحليل کيميويسی، قابل تمثيل ارکانک تعین مقادیری ! ايشته بوده
بر مهمه صهيده. چونکه غذا بر طاقم فضله انقراض و ضرره ايله قانی املا ایتکسزین
انسجه بی تعمیر و ترمیمه خاتم اولمالیدر. تمثيل و تضاد تمثيل فعللری آراسنده
بر آهنگ تام حکمفرما اولسی فیزولوژی نك مقصد اساسی تشکیل ایدر !
بوده آنجق بو اصول تحلیل سایه سنده ممکن الحصولدر .

بوندن باشقا مساعی عقیله کزده حفظ صحت دماغیه قواعدینه اتباع ایتمه کر
الزمدر. بیلیملیسکز که چوق محصول آلمق ایچین، چوق چالیشمق شرط دکلدرد.
یالکیز منتظماً چالیشمق در .

بو حالده اطبا کز صحت معلملری اولور ، خستلق معلملری اولمقدن
قور تولور فیلسوفلر کز این ونومیدی دکل ، سرور و سعادت تلقین
ایدر شاعرلر کزده رباب ذوق و حیات ترنم ایدر، یأس عشق و حیاتدن
نوحه نثار تالم اولمالر !

عرقکز ایسه تربیه واصطفای متمادی ايله لاینقطع تکمله اوغرار. سز بوتون
بونلرله بر اثر عالی بدایعونه ، عاداتا تراشیده بر نقش رنگینه ، بر اثر نفیس
صنعتیه انقلاب ایدرسکز ! اویله بر بدیعه صنعت که اجزای مختلفه دن متشکل فقط
بوتون بو عناصر مختلفه بر مجموعه ده هم آهنگ افعال !

اگر اولاد واحناد کزده سؤ انهماکک ظهورینی کور و رسته کز ، اونلری
جزالاندریمغه قالدیشمایکیز . زیرا سؤ انهماکک ، مرا کز عصبیه نك بر تغیرندن
ویا تعلم و تربیه جهتنده بر خطادن، دها دوغروسى نقصانی تربیه دن و یا خودده
رسوء وراثتن نشئت ایدم بیلیر . بوتون بونلری ، بوجهتلری حاده تدقیقندن
کچیرملى . بوسوء انهماکک محو و تعدیلی نه ايله ممکندر ؟ بونک عرقه وراثت
کچمه سنه مانع اولمق نه کبی وسائطله قابلدر ؟ . . . بوتون بونلری ، بوچاره لری
تحریر و تطبیق ایدکز . نه جزالاندر کز ونه ده عفو ایدکز ! . تدای و تشفییه
ایدکز . بو حرکت ، بو حرکت خیر خواهانه سزى ارباب فنك پایه بلندینه اصعاد
ایدر . بو طرز هوشیاری اجرا آتکزله ماده - یی بحق طایبق و اوکا کمالیه

حاکم اوله بیلیمک ایچین اوننی تدقیق و مطالعه ایتیش اولورسکز .
لاکن فن ، بوبابده برغایه ، بر مقصد اولاماز . برواسطه ، برهادی
حقیقتنمون اولابیلیر . مقصد غایه حسنی ، بدیعته آهنگی ، علاقه حیاتی تعقیب
ایتمکله حصوله کلیر .

عرق بشرک اصطفای فنی قوانینه ، بو وجدان ربا اصوله توفیقاً اصلاحی
مسئله سی خارق العاده هیجانی برشی در ! . . . فقط بو خصوصده اتخاذ و تعقیب
ایدیله جک طریق پک کوچ در . بویله بدایع پرست بر هیئت کزینته بشرک ساحه نمای
ظهور اولسی برخیا ، بلکه ده محال در ! . چونکه اوقوانین مهمه نك باشلیجه .
لرندن مثلاً شوکا : «ضعفای بشر محروم ازدواج اولمی ، بونلر ذریت یتشدیرمه .
ملی در . « فنك بو آونك ایقانه کیم اتباع ایده جک ؟ . . . فقط هر حالده بوکی
تلقینات مهمه فنییه حکمای حاضره انظار بشمره عرض ایتمکدن توفی ایتورلر .
کیم بیلیر بلکه بوائفاظات هیچ اولمازسه بعضلرنده برطاق تمایلات حاصل ایده بیلیر . . .
وبلکه ده تدریجاً افکار عمومیه ده برانته و تیقظ حصول بوله بوله ، حسین اولمقله
برابر حقیقت اولان بوتلقینات فنییه اتباع سایه سنده بو بدایع خیالیه دن برجز ،
اولسون ساحه فروز اولغه باشلار ، و مستقبلاً بشر بر اصطفای اجتماعی
کامله مظهریتله کایچین سعادت اولور .

دوققور: سعدالدین و داد



تخیل ادبی

«ادبیات» کله سی اکثریا بر معنای مبهمی افاده ایدن طرزده استعمال ایدیلور .
بومهمیق بر طرف ایتک ایچین اولا :
— بر اثر ادبی نه در ؟ مسئله سنی حل ایتک لازمدر .
اثر ادبی شویله تعریف ایدیه بیلیر : لسان تحریر و یا تکلمک : معاونتیله حسینی ،